

## ※學林誌傳※

# 徐燊年譜簡編

王新田\*

徐燊，字惟起，又字興公，號鼇峰居士、綠玉齋主人、天竺山人、讀易園主人、竹窗病叟、三山社弟、筠雪道人、筆耕惰農等，是明末福建著名的藏書家、文學家。徐燊與曹學佺共主當時福建詩壇，有「興公詩派」之稱；其藏書可比曹能始、謝在杭，「然多得秘本」則曹、謝又「不能窺其藩籬也」。關於徐燊的生平事蹟，迄今只有日本學者市原亨吉所編的〈徐燊年譜稿略〉（以下簡稱〈年譜稿略〉）。近來筆者在蒐檢古代藏書家故實中，得〈年譜稿略〉之缺漏頗多，故編訂是譜以補正其失，同時亦就正於通達之士。

隆慶四年庚午(1570)，一歲

是年七月二日，興公生於福建閩縣（今福州）鼇峰坊邸宅中。

曹學佺《石倉全集·西峰六一艸》：「徐雲林海憲六月廿八誕，徐興公七月初二日。」

父櫛，字子瞻，號少坡居士，嘉靖四十四年歲貢生，歷任南安訓導、茂名教諭，後為永澤縣令，有《世說紀稱》一卷、《徐氏周易通解》八本。

兄燧，字惟和，萬曆十六年舉人，與興公俱早擅才名，有《幔亭集》二十卷、《晉安風雅》十二卷。

弟名不詳，字惟揚。

徐燧《幔亭集》中有〈赴京道中寄惟起惟揚二弟〉、〈題惟揚弟法雲寺書舍〉和〈客中憶惟起惟揚弟〉等詩。

---

\* 王新田，江蘇大學夢溪圖書館副研究館員。

周亮工《閩小紀》卷下：「閩縣徐存永常爲予言，其王父子瞻諱櫛……無子，至四十九歲……乃相繼舉三子，即興公幔亭兄弟也。」

按：興公生年有嘉靖四十二年癸亥(1563)和隆慶四年庚午(1570)之異，據徐燏《紅雨樓序跋·事物紀原》：「崇禎庚辰仲夏，七十一翁與公書於綠玉齋。」可知興公生年當爲隆慶四年庚午(1570)。

再按：興公尚有兩姐或一姐一妹，行狀待考。

徐燏《幔亭集·途中感遇效同穀七歌·四歌》：「有姊已老有妹貧，平生惟此骨肉親……。」

萬曆元年癸酉(1573)，四歲

是年，興公父櫛任茂名教諭。

徐燏《紅雨樓序跋》卷一：「先君……及爲茂名學博，在癸酉之歲。」

興公幼從林平野先生學。平野名庸勳，乃閩郡世家。

萬曆四年丙子(1576)，七歲

是年，興公父櫛擢爲永甯縣令。

萬曆十三年乙酉(1585)，十六歲

春，興公跋林天駿《石鼓文墨本》。這是所見興公最早之作。

萬曆十六年戊子(1588)，十九歲

夏，興公與諸友過陳汝大處，得汝大所贈《常建詩集》。

徐燏《紅雨樓序跋》卷一：「萬曆戊子歲夏六月，偶與陳平之、鄭性之過陳汝大于山草堂，汝大出此見贈。」

冬，興公隨兄等送屠田叔使君於芋江。

徐燏《幔亭集》卷十：「仲冬十八日，同王玉生、陳伯孺、(陳)幼孺、(徐)興公弟，送屠田叔使君，自芋江登舟至困關，……令玉生繪圖，共折杜句爲韻，各賦一體以紀勝遊。」

## 萬曆十七年己丑(1589)，二十歲

是年，興公徵租白沙，於一私塾中得《戴九靈集》三殘冊。

是年，兄燭下第還山，築「綠玉齋」以藏書並作〈綠玉齋記〉，興公亦作賦〈題綠玉齋〉紀之。

徐燭〈綠玉齋記〉：「余家九仙山之麓，寢室後有樓三楹，顏曰『紅雨』。……歲己丑，余下第還山，乃易構小齋於山之坪。……素筍彤竹，扶疏掩映，窗扉不扃，枕罩皆綠。清風時至，天籟自鳴，故名以綠玉齋云。」

秋日，興公與兄惟和弟惟揚等過訪王玉生。

徐燭《幔亭集》卷六：「秋日，載酒同陳汝翔、黃伯寵、（徐）惟起、（徐）惟揚二弟，訪王玉生郊舍。」

## 萬曆十八年庚寅(1590)，二十一歲

夏，興公與謝在杭訪王孔振，受贈《孟東野詩集》。

徐燭《紅雨樓序跋》曰：「萬曆庚寅夏日，偶與謝在杭訪王孔振所居，孔振案頭有此集，翻閱良久，孔振心知余愛誦，遂以見贈。余袖歸珍若寶玉。」

是年，興公有〈出塞曲〉之作，是為興公文集中最早之詩作。

是年，長子陸出生。陸，字存羽，又字則厚，號鴻儀。興公有〈生子詩〉記之。

按：〈年譜稿略〉記為延壽生，誤。

## 萬曆十九年辛卯(1591)，二十二歲

秋，興公父病逝，享年七十有九。興公作〈辛卯除夕，是年有先大令之喪〉紀之。

## 萬曆二十年壬辰(1592)，二十三歲

九月，興公遊歷吳越，居張幼於之曲水園，吳友劉仲卿有《陽春堂五傳》之贈。

《徐氏紅雨樓書目》自序：「會壬辰、乙未、辛丑，三為吳越之遊。」

其間，興公拜訪顧道行於諧賞園，後來往姑蘇，必造訪其廬。

徐燭《紅雨樓序跋》卷一：「壬辰秋，余有姑蘇之役，借居張幼於曲水園。……

吳友劉仲卿出此五傳見贈，一《紅拂》，一《竊符》、一《灌園》、一《虎符》、一《祝發》。」

按：此行可能是請王百穀為其亡父禔撰墓銘。

徐燭《幔亭集》卷七有〈送興公弟之吳為先人乞銘〉、〈王百穀為先永寧表墓寄此答謝〉記之。

是年，興公母亦謝世。興公有〈壬辰除夕，是年有先孺人之喪〉記之。

#### 萬曆二十一年癸巳(1593)，二十四歲

中秋夜，興公邀同社諸子集平遠臺觀塔燈。

興公等送日本僧人回國，有〈送僧歸日本〉詩四首記之，可證當時日本禪僧與福建士人已多有交流。

是年，興公代家兄為蕭杏齋《全嬰堂集》撰序。

#### 萬曆二十三年乙未(1595)，二十六歲

興公遊武夷三十六峰。

徐燭《徐氏筆精》卷四：「崇安江仲魚諸生也……，乙未予之武夷，仲魚導予遊三十六峰。」

夏，興公兄燭落第還家。

秋，興公諸友聚會於綠玉齋。

徐燭《鼇峰集》卷十三：「秋日陳汝大、鄧汝高、陳振狂、陳子卿、陳幼孺、袁無竟、惟和兄集綠玉齋，……時予將遊白下。」

陳薦夫《水明樓集》卷五：「秋日同汝大、振狂、子卿、汝高、惟起、惟和、無競集綠玉齋，時惟和、子卿夏日歸自燕，予歸自吳興，汝高將以使事入浙，惟起將遊吳越。」

冬，興公再遊吳越訪友購書，居鄧汝高公署。

徐燭《紅雨樓序跋》卷一：「余乙未冬得之（《麻衣先生易髓》）杭州肆中，鈔寫精善，為故家所藏。」

徐燭《紅雨樓序跋》卷二：「萬曆乙未冬入吳興，訪在杭司理，拓此本（趙承旨《東嶽行宮碑》）裱藏。」

冬，興公同謝在杭、顧長卿、顧世卿登峴山。

遊吳期間，興公與吳興友人張睿卿彙補重刻《孫太初集》並校讎之。

徐燭《紅雨樓序跋》卷一：「乙未歲遊吳興，與友人張睿卿復彙《太初集》重刻，增入遺落者數十首，比舊本頗多。屬餘校讎，刻為最後，板亦最精。」

#### 萬曆二十四年丙申(1596)，二十七歲

歲初，興公還閩。謝肇淛作〈送徐興公還家〉送之。

春，興公與諸友集會於袁無竟之南郊水亭。

徐燭《幔亭集》卷九：「春日，同叔大、汝大、惟秦、幼孺、粹夫、能始、興公，集無竟南郊水亭。」

七夕，鄧汝高民部招興公兄弟等宴集玉皇閣。

#### 萬曆二十五年丁酉(1597)，二十八歲

夏日，興公兄弟與屠田叔、閔壽卿、余宗漢、錢叔達等避暑平遠臺。

是年，興公《荔枝譜》七卷編成，屠田叔為之梓。

徐燭《紅雨樓序跋》卷一：「燭以萬曆丁酉取忠惠《荔枝譜》而續之，時屠田叔為閩轉運使，通其譜而授諸梓。」

#### 萬曆二十八年戊戌(1598)，二十九歲

春，興公輯成《閩中詩選》八卷並序之。

徐燭《鼇峰集·閩中詩選序》：「……伊余不慧，忝際盛時，目想心遊，實竊有志，屏居之暇，采輯遺編，搜羅逸刻，……摛為八卷，總二百人有奇。……然掛一漏萬，耳目未周，尚賴同志補續。是為序。萬曆戊戌暮春六日書于風雅堂。」

九月，興公得葉振父為其代鈔之《姬侍類偶》，喜而跋之以致謝。

徐燭《紅雨樓序跋》卷一：「余從謝伯元處借得此書，翻閱一過，惟恐未盡，欲鈔錄備覽，性懶未能。友人葉振父偶爾相過，知余此志，請為余書之。不出旬日，彙訂成秩，書以志喜，且不忘葉君筆劄之勞也。萬曆戊戌菊月初四日，徐燭興公題於綠玉齋。」

是年，興公偶得寒疾，以藥錢購得元板《丁鶴年詩》三冊，誦畢病已。

徐燭《紅雨樓題跋》卷一：「萬曆戊戌歲，偶得寒疾，乍起櫛沐，體猶委頓，忽有持《丁鶴年詩》來售，余捐藥債購之。據床吟誦一過，倏然病已，因記之。筆耕惰農徐惟起書。」

是年，興公兄燭三下第歸閩。

萬曆二十七年己亥(1599)，三十歲

春，興公與兄燭、幼孺自瓊河泛舟遊義溪，宿幼孺水明樓。

是年，興公兄燭因病去世，年僅三十九。興公有〈己亥除夕，是年有伯兄之喪〉記之。

是年，興公於延津侍側楊太史叔向府中，以詩文受知於太史。

是年，興公遊楚，寓沙陽興國寺，時興公著手編撰《幔亭集》。

徐燭《鼇峰集》卷十四：「興國寺檢編《幔亭集》淒然感而有作。」

萬曆二十八年庚子(1600)，三十一歲

春，興公送莊姪之粵訪張叔駉。

是年，興公遊建陽，得《靈棋經》一冊。

是年，興公與詩社社友十數人聚會吟詠，各賦詩一首。

是年，興公赴金陵，供職書林。

是年，興公刊行其兄燭撰，陳薦夫選，王若編之《幔亭集》十五卷。

萬曆二十九年辛丑(1601)，三十二歲

四月，興公偕曹能始遊鼓山，並議纂修山志。

是年，興公客遊邵武。

徐燭《徐氏筆精》卷五：「余辛丑客邵武，于友人徐梧家見楊廉夫手書一卷，字法蒼勁。」

秋，興公偶過芝城，於書肆購得王行《半軒集》十二卷。

冬，興公三遊吳越，拜友訪書。興公於寧波書肆得胡雙湖《易翼》殘本。

徐燭《徐氏筆精》卷五：「辛丑之冬，余客四明，始與（四明五井山僧傳慧）定交。」

除夕，興公客於明州白衣寺。

萬曆三十年壬寅(1602)，三十三歲

元日，興公客暨陽觀燈。

春初，興公於會稽肆中得徐渭批點之《古樂府》殘部；於四明書肆敗簡中乞得《戴九靈集》一冊，正其藏本所闕。

秋，興公「仿鄭氏《藝文略》、馬氏《經籍考》之例，分經、史、子、集四部」，編成《徐氏紅雨樓書目》四卷，著錄其當時藏書五萬三千餘卷。其後隨其蒐求不輟而所藏益富，故後稱徐氏藏書為七萬餘卷。興公藏書在其歿後，賴子延壽、孫鍾振維持保護，「劫灰之後，尚無恙也」，後因田屋為清兵所占而散出，幸其終未湮沒，而多為閩中藏家鄭傑、林佶所得。此目以著錄戲曲、小說及明人文集為其特色，為有明一代藝文研究之重要資料。

南居益〈鼇峰集序〉歎其藏書之富：「興公聚書，至數萬卷。所居鼇峰下，客從竹間入。環堵蕭然，而牙籤四圍，恍遊群玉。興公雖祭酒布衣乎？縹緗之富，侯卿不能敵矣。」

按：興公藏書齋計有「綠玉齋、紅雨樓、汗竹齋、宛羽樓、偃曝軒」；藏書印有「徐勃字惟起一字興公、興公氏、晉安徐興公藏書、徐氏惟起、徐燊之印、閩中徐惟起藏書印、徐氏興公、徐惟起印、宛羽樓、綠玉齋、汗竹巢」等。

萬曆三十一年癸卯(1603)，三十四歲

二月，興公等集曹能始處品鼓山新茶。

徐燊《鼇峰集》卷十五：「花朝同洪九霞令君俞君寶、陳伯孺集曹能始園試鼓山新茗。」

是年，興公受託整輯陳仕卿遺作而成《蕉雨亭詩》，以仕卿喜種芭蕉，每每聽雨忘寐，故以之名集。

是年，杭州張維誠來閩，過訪興公，並借鈔《易翼》一部。

萬曆三十二年甲辰(1604)，三十五歲

春，興公與詩社諸友吟詠於王永啓塔影園。

徐燊《徐氏筆精》卷五：「甲辰暮春晦日，諸同社集王永啓塔影園作送春詩。」

六月，興公作〈藏書屋銘〉以抒己懷。

興公〈銘〉曰：「少弄詞章，遇書輒喜。家乏良田，但存經史。先人手澤，連篇累紙。珍惜裝潢，不忍殘毀。補缺拾遺，坊售肆市。五典三墳，六經諸子。詩詞集說總兼，樂府俾官咸備。藏蓄非稱汗牛，考核頗精亥豕。雖破萬卷之有餘，不博人間之青紫。茗碗香，明窗淨几。開卷朗吟，古人在此。名士見而嘉歎，俗夫聞而竊鄙。淫嗜生應不休，癡癖死而後已。此樂何假南面百城，豈曰誇多而鬥靡者也。」

冬，興公等集會風雅堂。

徐燭《鼇峰集》卷十六：「長至後，豫章喻仲宣、皖城李卿明、漳浦林德芬及同社諸子枉集風雅堂觀妓。」

萬曆三十三年乙巳(1605)，三十六歲

二月，興公應洪汝含招同喻仲宣集半嶺園看花。

夏，興公曝書，睹先君詩帙，恭而跋之且付其子陸寶藏之。

十月，興公客遊新安訪吳敬甫，並受贈《六書總要》等書。

徐燭《紅雨樓序跋》卷一：「萬曆乙巳歲十月，客遊新安，訪吳敬甫於溪南書閣，因談六書之學。……敬甫亦以不佞可與語，遂出《六書總要》、《楷隸正偽》、《萬籟中聲》、《諧聲指南》數種見餉，而此本曰《六書正義》者，特綱領耳。」

冬，興公自新安遊吳越。客虎林時，興公偕曹能始、林茂之過吳山雲居寺，於僧寮塵埃中拾得釋宗泐《全室集》，乃兩百年前永樂癸卯年鈔本。

除夕，興公客居武林。

徐燭《鼇峰集》卷十六：「乙巳除夕客武林，與柯謨伯、曹能始守歲。」

萬曆三十四年丙午(1606)，三十七歲

元日，興公訪錢塘張維成，維成將其所編《論語講義》贈興公。

徐燭《紅雨樓序跋》卷一：「余於丙午元日訪維成之廬，……談論移日，皆出入經史，無一俚言。因出《從野堂論語講義》相示，……維成善積書，見異本即鈔錄，與余癖合。」

春，興公至金陵，訪謝在杭刑部。

按：〈年譜稿略〉記興公乙巳歲暮至金陵，誤。且曹能始轉戶部郎來金陵遲於



興公，興公初來金陵可能寓謝在杭署，後才主曹能始署中。

夏，興公偶於秣陵舊書肆，購得永樂年間會稽馬歡編《瀛涯勝覽》二卷。

徐燊《紅雨樓序跋》曰：「（此）乃會稽馬歡永樂間從太監鄭和下西洋，歷諸番，所記天時、氣候、地理、人物者也。較之《星槎》，尤為詳備。偶於秣陵舊肆購之。萬曆丙午夏仲，徐惟起書於白下旅次。」

是年，興公主曹能始暑中，得能始所贈焦漪園秘閣鈔本程氏《演繁露》。

是年，興公托新安汪仲嘉借閱焦弱侯秘府鈔本《金石錄》，鈔錄於秦淮客舍。

是年，興公刊刻歐陽詹所撰《唐歐陽先生文集八卷附錄一卷》於白門。

徐燊《徐氏筆精》卷五：「余在白門時，編刻歐陽詹集自謂無遺矣，偶閱全蜀藝文志，詹有新都行，原本所遺尚俟補續。」

是年，興公之《榕陰新檢》十六卷撰成並刊行。

吳騰蛟〈序〉曰：「萬曆丙午季秋望日，新都吳騰蛟云將父書于臥雲山房。」

是年，興公自南都歸閩，得林志尹見贈之一冊《藝文類聚》，使其家藏遂成完書，「篝燈把玩，喜而不寐」。

徐燊《紅雨樓題跋》卷一：「今歲余偶從南都歸，林志尹乃拾一冊見餉，遂成全書。」

按：〈年譜稿略〉記興公滯留金陵至丁未春，誤。

#### 萬曆三十五年丁未(1607)，三十八歲

春，興公以幼時所讀《擬古樂府》授其子陸，令其日閱一首。

按：興公童稚時，其父日為其解說《擬古樂府》二、三首。

秋，興公作《題兒陸書軒》，以「教兒陸，繼書香」。

冬，興公妻去世，作「丁未除夕，是冬有妻喪」記之。

冬十一月，京口金山僧成穩募刻之觀世音菩薩妙相功成於惠州，時興公遊惠陽，遂瞻拜於永福寺，並書「普門品救苦經」一軸，納之肚臍。

歲末，興公自惠陽歸。

#### 萬曆三十六年戊申(1608)，三十九歲

元旦，興公過謝在杭齋中，於元書中檢得《柝欄集》首帙，正可部家藏所闕，「遂乞而合訂之」。

春，興公於友王粹夫處見華亭楊樞所作《言史愼餘》，粹夫慨然相授。

五月，興公等集高景倩木山齋食荔枝。

徐燭《鼇峰集》卷十七：「五月念一日集高景倩木山齋，食荔枝，伯孺作水墨荔枝圖。」

夏，福建荔枝大收，興公集詩友結「紅雲社」，舉行餐荔會，並親訂「紅雲社約」，謝肇淛作「紅雲續約」。

仲秋，興公與謝在杭等遊宿靈源洞，時興公子陸侍行。

是年，興公編成《蔡福州外紀》，新安吳太學宇賁刻之於武林。

徐燭《紅雨樓序跋》卷一：「戊申歲，閒居寡歡，妄意掇拾公之遺事作《外紀》，新安吳太學宇賁刻之武林。」

#### 萬曆三十七年己酉(1609)，四十歲

暮春，興公過高景倩木山齋，品試鼓山新茶，展玩趙承旨〈呂梁廟碑〉。

夏，興公經吳越遊洪都，喻宣仲以《金陵梵刹志》為贈。

徐燭《紅雨樓序跋》卷一：「余至洪都，舍喻宣仲齋中旬日，臨別出此為饋。己酉長至日，徐興公記。」

仲秋，興公過衢州，寓祥符寺，於殿中佛座後得宋嘉祐年間所印佛經尚完整者十數軸，並拾得元板《性理群書句解》一冊，「寶若拱璧」。

冬，興公過豫章，拜訪莫逆交朱謀瑋、朱謀垕，謀垕贈以《文心雕龍》，謀瑋則親為校之。

徐燭《紅雨樓序跋》跋曰：「《文心雕龍》一書，余嘗校之，至再至三，其訛誤猶未盡釋。然彥和博綜群書，未敢遽指為亥豕而臆肆唯黃也。今歲偶遊豫章，王孫郁儀素以洽聞稱，余乃扣之，鬱儀遂出校本相示，旁引經史，以訂其訛，詳味細觀，大發吾覆。鬱儀僅有一本，乞之不敢，鈔之不遑，而王孫圖南欣然捐家藏斯本見贈。余方有應酬登眺之妨，鬱儀又請去重校，凡有見解，一一為余細書之。燈燭下作蠅頭小楷，六十老翁，用心亦勤，愛我亦至矣。……鬱儀名謀瑋，石城王裔；圖南名謀垕，弋陽王裔；皆鎮國中尉。與余莫逆。時萬曆己酉十一月二十八日，徐惟起書於臨川舟次。」

歲末，興公歸閩。

是年，興公撰《蔡端明別紀》十二卷刊行，前有萬曆己酉徐燭序。

## 萬曆三十八年庚戌(1610)，四十一歲

興公長孫鍾震出生。鍾振，字器之，著有《雪樵文集》、《徐器之文集》、《閩疆世紀》。

興公有〈生孫志喜〉記之，並有〈元孫滿月，諸友以詩見贈，喜答〉等作。

陳薦夫《水明樓集》卷六：「賀徐興公得孫，其子婦余侄女也。」

中秋，興公諸社友集謝在杭新築泊臺玩月。

徐燭《鼇峰集》卷五：「中秋夜，謝在杭新築泊臺成，招諸同社玩月。」

冬，建溪蕭飛卿將興公輾轉先後得之於王元直和陳淳夫的兩部《何氏語林》殘本，裝潢重訂，以成完書。興公跋其始末以記之。

除夕，興公邀喻叔虞風雅堂守歲。

## 萬曆三十九辛亥(1611)，四十二歲

元日，興公同喻叔虞過神光菴登烏石山。

是年，蘇漢英以新編《黃梁記》贈興公。

是年，興公久訪蔡忠惠文集未得，乃移書豫章喻叔虞，托代為尋訪。喻叔虞旋獲乾道年間王龜齡所編三十六卷抄本，值曹能始至閩，攜繳興公。

## 萬曆四十年壬子(1612)，四十三歲

三月，興公陪喻郡公桑溪鏗飲。

徐燭《鼇峰集》卷三：「壬子上巳日，陪喻郡公桑溪鏗飲三章。」

春日，興公等集謝在杭積芳亭賞蜀茶花。

夏，興公因參纂府志，得以將家藏正德舊志鈔補成完書。原家藏舊志於萬曆丁酉為古田令借去兩冊，以至第十冊闕如。

仲秋，興公將父櫛生前「必攜以隨」之胡有恒刻《詩韻要釋》重加修葺。

是年，興公得麻城王元禎《烏衣佳話》之贈。

## 萬曆四十一年癸丑(1613)，四十四歲

五月，興公將其父生前所記之交遊，重訂為《先君交遊錄》。

是年，知府喻政監修《福州府志》七十六卷完成並刊行。興公以布衣參編之。

是年，興公《茗譚》一卷撰成並刊行。

是年，興公祭酒嶺爲其先人築墳。

是年冬，林都諫捐貲授梓之《淳熙三山志》刊成，興公爲之後跋。

萬曆四十二年甲寅(1614)，四十五歲

端午日，興公等集會於許春夫綺雲館。

夏，王子忠以所著《測天圖說》貽興公。

冬，謝在杭寄其《北河志》贈興公。

徐燭《鼇峰集》卷十九：「謝在杭治河張秋纂修《北河志》見寄。」

是年，興公次子陵出生。陵，字存永，又字無量，號延壽，有《尺木堂集》行世。

是年，興公將所得蔡忠惠文集呈侍御陳秦始，由朱爵儀、李克家讎校，並興公所輯《蔡福州外紀》合刊行世。

萬曆四十三年乙卯(1615)，四十六歲

元月六日，興公同吳嘉過塔影園烹茶夜坐。

元月，趙幾夫以《寒山彙草》寄贈興公。

暮春，興公在曹學佺處觀賞其從四川帶回栽培的紫牡丹。

徐燭《鼇峰集》卷十九：「暮春望日，曹能始招陪蔣國平都運，宴集後園，賞蜀中紫牡丹，歌者侑觴。」

秋，朱鬱儀以《古文奇字》及《水經箋注》寄興公。

是年，興公得張維誠惠書信及《讀易齋講義》之贈且云其藏書已近七萬卷。

是年，興公與曹學佺一起組織「石倉社」。

是年，興公《蔡福州外紀》經陳甫伸訂補爲十卷，由陳一元刊行。

萬曆四十四年丙辰(1616)，四十七歲

初春，興公同俞羨長諸君集高景倩齋中賞殘梅。

是年，興公長子陸病卒，年方二十有七。興公作有〈亡兒行狀〉悼文。

是年，《蔡端明別紀》十卷本由蔡善繼與《宋蔡忠惠文集》合刻刊行。

## 萬曆四十五年丁巳(1617)，四十八歲

正月，興公等集風雅堂同賦蓮花燈。

六月朔日，倪柯古、商益和及趙子含攜觴訪興公，興公出文衡山畫冊共賞。

夏，興公編成《蔡忠惠年譜》。

徐燊《紅雨樓序跋》卷一：「余得二方善本，反覆潛玩，有契於心，更採公生平官爵著述，編爲年譜，歷歷有徵，庶後之覽者有所考鏡，因述所繇如此。萬曆丁巳仲夏，閩邑後學徐燊興公謹跋。」

是年，戴亨融以《黔中草》寄贈興公。

徐燊《鼇峰集》卷十九：「戴亨融以貴竹學憲聽調僑寓武夷寄《黔中草》見示。」

## 萬曆四十六年戊午(1618)，四十九歲

春，林魯生過訪興公以新詩見貽且請興公序之。

春，歐世叔貽興公《萬石山筆記》。

秋，興公同丘私淑、丘德長遊甯化聖水庵。

冬，興公遊豫章，寓洪都上藍寺，滯留至來年春。

期間，興公與謝在杭、張曼胥、喻叔虞、仲韶等遍訪名勝古蹟，並於南昌得《文心雕龍·隱秀篇》。

## 萬曆四十七年己未(1619)，五十歲

正月，孔陽宗侯邀興公飲於邸第並觀前代名賢墨蹟。

是年，興公遊滇，過困溪，林子實同商孟和、林臣芝舟中訪興公。然滇遊不果，至楚而返。歸經南州，訪喻季布。季布以陳善《捫虱新話》贈之。

徐燊《鼇峰集》卷二十一：「至辰陽得謝在杭書，知黔中疾疫盛行，苗蠻阻道，因不果。」

## 泰昌元年庚申(1620)，五十一歲

正月，興公返家。時林子實已逝，興公爲之梓《枕麴集》行世，以報相知。

春日，興公同諸子集會王永啓督學亦圓。

六月八日，小暑，興公等社集平遠臺野意亭納涼。

天啓元年辛酉(1621)，五十二歲

春，興公偶見古全本《華陽國志》，借鈔以補其師古齋本之闕遺，「不勝愉快」，跋之。

天啓二年壬戌(1622)，五十三歲

春，興公出道士彭玄明丹青裝潢並考題之。

徐燊《紅雨樓序跋》卷二：「舊爲林民部所藏，余友康君元龍收得之。……比來康郎守廉爲余東床婿，始出諸篋笥，爲之重加裝潢，因考其事蹟而題其端云。時天啓二年春仲，三山徐燊興公書于綠玉山房。」

是年，莆陽宋鈺補興公《蔡端明別紀》而成《宋蔡忠惠公別紀補遺》二卷，由龍溪顏繼祖與《蔡忠惠詩集》二卷合刻刊行。

天啓三年癸亥(1623)，五十四歲

夏，興公錄倪柯古所藏《林景清詩稿》中之雅馴者，而成《竹窗小稿》一帙。

是年，興公於三山舊書肆中，購得九峰迂儒孫交撰《國史補遺》，「喜而不寐」，跋之。

天啓四年甲子(1624)，五十五歲

九月，興公爲《林初文集》撰序。

天啓五年乙丑(1625)，五十六歲

初秋，興公送南居易之建州，於建州開元寺書肆購得古本《左傳》。

是年，興公《鼇峰集》二十八卷撰成，南居易撰序並資助刊行。

南居益〈序〉：「天啓乙丑仲秋，關中南居益撰。」

天啓七年丁卯(1627)，五十八歲

正月，興公客巴陵，訪雪迹禪師於普安古寺，共觀懷素《聖母帖》。

是年，興公《徐氏筆精》八卷撰成，由鄧道協篋至金陵，經黃居中編次釐定。

按：筆精，乃取義於江淹〈別賦〉中之「雖淵、云之墨妙，嚴、樂之筆精」，以喻筆墨精妙也。

崇禎二年己巳(1629)，六十歲

興公《宋四家外紀》撰成刊行。

崇禎四年辛未(1631)，六十二歲

興公《徐氏筆精》經黃居中編定並序之，然尚未付刷而道協濫矣，遂致不竟。

崇禎五年壬申(1632)，六十三歲

冬，興公《徐氏筆精》八卷由邵捷春捐資付梓並為之序。

按：興公此後又有《續筆精》之撰。

崇禎七年甲戌(1634)，六十五歲

秋，興公與曹能始遊鼓山。

冬，興公書富難度，曹能始捐資為之構「宛羽樓」成。此樓既是興公藏書之樓，也是友朋宴集之所。

按：宛羽者，宛委羽陵之義也。

崇禎八年乙亥(1635)，六十六歲

元旦，曹能始等過興公草堂小集。

曹學佺《石倉全集·六二詩稿》：「亭午，過徐興公草堂，邵肇復、林異卿、（林）懋禮、陳昌基共坐。」

春，興公至建溪。

曹學佺《石倉全集·六二詩稿》：「送興公之建溪，兼簡沈舜丘、詹月如二大令。」

崇禎九年丙子(1636)，六十七歲

元旦，曹能始等集興公宅。

秋，王而弘、曹能始訪興公鼇峰別業。

仲秋，興公與王而弘遊鼓山。

曹學佺《石倉全集·六三詩集》：「而弘、興公遊鼓山，予病不赴訊覺禪師。」

冬，興公過曹能始小軒月夜看菊。

崇禎十年丁丑(1637)，六十八歲

春，興公客遊建州。

夏，三山耆社成立。共有九人，除興公、曹學佺外，王伯山、陳惟秦、陳振狂、董崇相、馬希聲、楊犀實和崔徵仲皆年過七十。

是年八月十三日，興公等在漳州芝山龍首亭舉行耆社第一次聚會。

崇禎十一年戊寅(1638)，六十九歲

興公等舉行耆社第二次聚會。本欲每年集會一次，但此後中斷。

是年，興公客居吳門（今蘇州），訪友人毛晉並為其編刻的《元人十種詩》撰序。

興公〈序〉：「崇禎戊寅長至，閩郡徐燭書于吳門之蓮花庵。」

崇禎十二年己卯(1639)，七十歲

正月，興公攜子延壽遊吳門，再訪毛晉，舟阻於風而夜泊蠡口。

遊吳期間，興公父子也訪問了錢謙益的紅豆山莊。

錢謙益《列朝詩集小傳》丁集：「崇禎己卯，偕其子訪余山中，約以暇日，互搜所藏書，討求放矢，復尤遂初、葉與中兩家書目之舊。」

三月，興公歸家。

秋，興公客遊潮陽。

曹學佺《石倉全集·西峰用六篇詩》：「送興公之潮陽，陳叔度之豐縣。」

崇禎十三年庚辰(1640)，七十一歲

三月，興公歸自清漳，曹學佺作詩賀之，興公和詩一首以答。

暮春，興公與曹能始、安蓋卿、蔣弼仲、鄭肇中諸子送春。

秋，曹能始等集興公宛羽樓，能始且留宿宛羽樓。

曹學佺《石倉全集·西峰六七詩集》：「應仲鵠、過百齡、陳昌基同集宛羽樓，余因宿焉。」

是年，吳中許天開惟挾一翻緜遊閩，訪興公並以其詩集贈興公。



崇禎十四年辛巳(1641)，七十二歲

興公與曹能始等社集西湖（福州西郊），酬唱遊樂。

秋，興公爲衷仲孺所撰《武夷山志》十九卷作序。

興公〈序〉：「崇禎辛巳中秋之望三山，徐燊書于沖祐宮之橘隱堂。」

崇禎十五年壬午(1642)，七十三歲

暮春，麻姑萬印角過訪興公，旋即往遊漳南，數月後返三山，以其遊漳唱和之作《閩遊詩草》贈興公。

是年，興公與能始等社友在三石亭開社集會。

按：〈年譜稿略〉紀是歲興公去世，終年七十三歲，誤。

崇禎十六年癸未(1643)，七十四歲

興公作序之《武夷山志》十九卷，由季振堂刊行。

弘光元年（順治二年）乙酉(1645)，七十六歲

興公謝世，享年七十六歲。興公晚年，因從子不肖而挾其母誣訟，興公乃糊口四方，鬻史以爲饜饕資。

按：關於興公卒年，有崇禎十二年己卯(1639)、崇禎十五年壬午(1642)、弘光元年乙酉(1645)三說。〈明代藏書家、文學家徐燊事略考證〉一文論證頗詳，今從此說。

附：徐燊著作見於《紅雨樓書目》而待考者：

《蔡忠惠年譜》一卷；《巴陵遊譜》一卷；《鼓山續志》八卷；《榕城三山志》十二卷；《法海寺志》三卷；《雪峰寺志》八卷；《客惠紀聞》一卷；《諧史續》二卷；《堪輿辨惑》一卷；《蜂經疏》二卷；《閩畫記》一卷。

## 參考文獻

1. [明] 徐燊：《紅雨樓序跋》二卷，福州：福建人民出版社，1993年。
2. 徐燊：《鼇峰集》二十八卷，明天啓五年南居益福建刊本。
3. 徐燊：《徐氏紅雨樓書目》四卷，上海：古典文學出版社，1957年。
4. 徐燊：《筆精》八卷，福州：福建人民出版社，1997年5月。
5. [明] 徐燊：《幔亭集》十五卷，《四庫全書》本，上海：上海古籍出版社，1987年。
6. [明] 曹學佺：《石倉全集》八十八卷，明刊本。
7. [明] 陳薦夫：《水明樓集》十四卷，明萬曆刊本。
8. [明] 謝肇淛：《下菰集》六卷，明萬曆本。
9. 謝肇淛：《小草齋文集》二十八卷、續三卷、附一卷，明天啓本。
10. 杜信孚：《明代版刻綜錄》八卷，揚州：江蘇廣陵古籍刻印社，1983年。
11. 市原亨吉：〈徐燊年譜稿略〉，《福建圖書館學刊》，1991年第4期。
12. 王長英：〈明代藏書家、文學家徐燊事略考證〉，《福建師範大學學報》（哲學社會科學版），2001年第1期。